


古聖賢偽傳畧

十一



				漢書門
六	四	三	二	
冊	架	函	號	類

內閣文庫				漢書
二	二			
九	九			
〇	〇			
函	函			
架	架			

內閣文庫		
番號	漢	2269
冊數	16	( 11 )
函號	290	47



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







李龍溪像

古聖賢像傳卷十一



長洲顧沅湘舟輯



公姓李諱公麟字伯時舒城人第進士歷泗州錄事參軍用陸佃  
薦為中書門下後省刪定官御史檢法元符三年病痺致仕歸老  
龍眠山公好學博雅長於詩多識奇字自夏商以來鐘鼎尊彝皆  
能考定世次辨別欵識為考古圖善丹青妙絕冠世黃庭堅謂其  
風流不減古人


王 湖 州 像





公姓王字欽臣字仲玉宋城人賜進士及第歷集賢殿修撰知湖州徙饒州斥提舉太平觀徽宗立復待制知成德軍卒入黨籍公清亮有志操平生為文至多藏書萬卷皆手自讐正

忠 簡 像





公姓宗諱澤字汝霖婺州義烏人登元祐進士靖康元年康王再使金行至磁公迎謁力沮王行王遂回相州有詔以公為副元帥從王起兵入援與金人戰百戰百捷北人憚之每對南人言及必曰宗爺爺前後請上還京二十餘奏每為黃潛善等所抑憂憤成疾疽發於背諸將入問疾出嘆曰出師未捷身先死長使英雄淚滿襟翌日風雨晝晦公無一語及家事但呼過河者三而薨諡忠簡

留忠顯像





公姓劉諱幹字仲偃崇安人元祐八年進士累官延康殿學士宣  
和中再知真定金人犯京師遣公使金營金人素知公用欲留用  
之公曰偷生以事二姓死不為也又聞軍中欲立異姓公仰天大  
呼曰有是乎遂沐浴更衣酌卮酒以衣縗自縊建炎初贈資政殿  
大學士後謚曰忠顯

李忠定公像





公姓李諱綱字伯紀邵武人後居無錫少有大志政和初舉進士  
 仕徽欽高三朝官至宰相諡忠定公負天下之望以一身用捨為  
 社稷安危居相位七十餘日屢為權奸所沮不得竟其用而其忠  
 誠義氣未肯少貶嘗曰吾知盡事君之道不可則全進退之節禍  
 患不恤也為中興賢相第一

洪忠回像



古聖賢像卷十一

卷十一

五



公姓洪諱皓字光弼樂平人少負奇節博學強記政和五年進士  
 建炎初假禮部尚書使金粘罕迫與副使官偽齊公不屈遂流  
 遞冷山十五年還陞徽猷閣直學士提舉萬壽觀以忤秦檜安置  
 英州後徙袁州卒諡忠宣

朱 韶 賢 像





公姓宋諱松字喬年婺源人舉進士歷司勳吏部郎公有俊才爲  
文汪洋放肆不見涯涘後取六經子史讀之以求天下興亡理亂  
之變又聞河洛之學得聖賢不傳之意乃日誦大學中庸力於致  
知誠意之地自謂褊急害道因取佩韋之義號韋齋

苗 棗 像





王姓岳諱飛字鵬舉相州湯陰人少好左氏春秋孫吳兵法力挽  
弓三百斤弩八石能左右射留守宗澤奇之授以陣圖自是遂以  
將畧顯大小百戰未嘗一敗猝遇敵不動故敵為之語曰撼山易  
撼岳家軍難朱仙鎮之捷兩河豪傑響應王大喜語其下曰直抵  
黃龍府與諸君痛飲耳方指日渡河而秦檜主和議以十二金字  
牌一日猝至王憤惋泣下東向再拜曰十年之功廢于一旦遂班  
師竟為檜所害孝宗立詔雪王寃追復少保贈太師封鄂王諡武  
穆

朱 秦 議 像





公姓朱諱弁字少章婺源人弱冠入太學建炎初議遣使奉安兩  
 宮公奮身自獻詔借吉州團練使為通問副使至雲中見粘罕邀  
 說甚切粘罕不聽金人迫公仕劉豫公曰豫乃國賊吾恨不食其  
 肉乃忍北面臣之耶金人怒絕其餼遺以困之後王倫再使復歸  
 以公奉送徽考大行之文為獻其詞有云嘆馬角之未生魂消雪  
 窖攀龍髯而莫逮淚灑冰天高宗讀之流涕及和議成公得歸轉  
 奉議郎

胡忠簡公像





公姓胡諱銓字邦衡廬陵人建炎二年進士任樞密院編修官上封事力排和議乞斬秦檜孫近王倫坐事謫居海外十年後入爲兵部侍郎請祠以歸復召以經筵稱疾力辭因陳時病五事以資政殿學士致仕自號澹齋老人卒謚忠簡

陸時勅像





公姓陸諱游字務觀號放翁山陰人早有文名爲秦檜所嫉檜死始爲寧德主簿孝宗時擢編修官後知夔嚴二州皆有令聞以寶章閣待制致仕卒年八十五公詩與范成大齊名南渡後稱爲兩大家云

李 衡 士 像





公姓李諱安期字泰伯建寧人淹貫經史援筆成文以詩名岳武  
 穆之死公作表忠詩百二十首弔之一日謁四川茶馬司王淮奇  
 其才將以賢良舉偶以奔爭道公推枰曰公平章天下亦可如此  
 反覆乎遂拂衣去竟不出王深自刻責以未藝失天下士著有蒙  
 谷詩集

任 誰 士 像





公姓任諱盡言字元受華亭人與兄質言同舉進士居下僚論事  
慷慨秦檜死朝廷召湯鵬舉為臺官公授啟賀之云每愧朱雲之  
請劍未聞林甫之斲棺上聞始黜檜朋黨釋趙鼎子汾罪

像 節 文 俚





王 卷 祿 像



公姓倪諱思字正甫歸安人任禮部侍郎時光宗久不過重華宮  
公疏十上會召嘉王公言壽皇欲見陛下亦猶陛下之於嘉王也  
上為動容韓侂胄與史彌遠擅權公攻之尤力卒諡文節



公姓王諱炎字晦叔新安婺源人居雙溪築園其上因號雙溪翁登鄭僑榜進士乙科官潭州教授以薦知湖州值旱蝗公請宰執撥米賑濟又請停造甲及論和糴守備人咸頌之封婺源縣開國男進階金紫光祿大夫年八十二卒公自幼力學尤精於易既習吏事而學益進朱子自閩歸公與講易於東山九曲亭朱子為登堂拜其親及著易解多與集傳合著有讀易筆記尚書小傳雙溪類稿詩文集等書

任 回 巖 像





公姓任諱希夷字伯起邵武人淳熙進士調浦城主簿從朱子學篤信力行朱子喜之曰開濟士也遷禮部尚書嘗言周惇頤程顥程頤為百代絕學之倡乞定議賜諡進端明殿學士參知政事卒諡宣獻

幾白石像



百聖賢傳卷之十一

七



公姓姜諱夔字堯章鄱陽人蕭東夫識之於年少客游妻以兄子  
因寓居吳興之武康與白石洞天為隣自號白石道人慶元中曾  
上書乞正太常雅樂得免解訖不第而卒

陳文毅公像





公姓陳諱亮字同父永康人自幼穎異為文俊麗雄偉有奇志其  
 學自孟子後惟推王通恒以經濟天下自任孝宗時六詣闕上書  
 主於恢復兼論宰相得失紹熙四年狀元及第授建康僉判尋卒  
 諡文毅

陳亮文天像



古聖賢像傳卷十一

十一



古聖賢像傳卷之二

莊

公姓饒諱魯字伯與號雙峯饒州人幼從黃幹遊性行端謹學術  
精明屢薦不起惟潛心著述闡明濂洛關閩之學及卒門人私謚  
文元有五經講義語孟紀聞春秋節傳庸學纂述等書

陸 象 相 像



古聖賢像傳卷之二

莊



公姓陸諱秀夫鹽城人景定初進士李庭芝鎮淮南辟置幕中德祐初以禮部侍郎使軍前議和不就二王走温州公追從之益王立於福州進端明殿學士僉書樞密院事時君臣播越海濱每朝會公儼然正笏立如治朝王昚又立衛王以公為左丞相至元中厓山破公驅妻子先入海中尋負王赴海而死

謝文節像





公姓謝諱枋得字君直號疊山弋陽人為人豪爽以忠義自奮德祐初以江西招諭使知信州遣將與元兵戰不利變姓名入建寧廬石山聞國亡日麻衣躡履東鄉哭人不識以為病狂也已去賣卜建陽市人稍稍識之以忤魏天祐天祐強之比公即不食惟茹蔬果至京尋謝太后攢所及瀛國公所在再拜慟哭絕粒而死學者稱為疊山先生明景泰間追諡文節

喬義士像





公姓唐諱珏字玉潛會稽山陰人當宋亡後時江南僧統楊璉真  
伽於蕭山發趙氏諸陵殘斷支體棄骨榛莽間公聞之亟貨家具  
并行貸通得百金具酒醪市羊豕邀里中少年數十輩狎坐轟飲  
酒酣少年請其故公慘然具以實告少年許諾乃謀取四郊暴骨  
易之斲文木為匱各署其表分委而散遣之各絕地以藏俄而楊  
璉下令褒陵骨襍置牛馬枯骨中築一塔壓之名曰鎮南然不知  
諸陵之骨故在也後有傳其事者一時震動吳越

諱 義 士 像





公姓謝諱翱字臯羽福之長溪人後徙浦城侗儻有大節每慕屈  
平託興遠遊因號晞髮子宋亡文天祥被執公悲不能禁巖有子  
陵臺孤絕千尺時天涼風急挾酒登之設天祥主跪酌號慟取竹  
如意擊石作楚歌招之歌闕竹石俱碎倦輒訪隱流方鳳吳思齊  
輩歌吟取適至元乙未歿年四十七臨歿囑其家曰慎收吾骨與  
韶卿子善已而鳳與思齊果至與方幼學葬之子陵臺南

黃 育 崇 像





公姓黃諱仲元字善甫號四如莆田人唐御史滔之後父績師事  
潘柄陳宓得朱子之傳公於咸淳中登第陸秀夫荐充益王府撰  
述官除武學諭太常博士兼閩廣宣撫司機宜改國子主簿兼福  
建招捕司參議官皆不赴宋亡改名曰淵字天叟號韻鄉贅翁窮  
居稽古深入理奧年八十二卒有四書講稿經史辨疑四如文彙  
行於世

何大理想像






古事類傳卷之十一  
公姓何諱夢桂字巖叟號潛齋淳安人咸淳中舉進士第三除太  
常博士歷監察御史大理寺卿引疾歸元初累徵不起築室於故  
居旁之小西源著書自娛不與世接滄桑之感悉見之於詩其上  
留中齋律句云昆明池劫化爲緇夢覺功名黍一炊鍾子未將南  
操變庾公空抱北朝悲歸來眼底吳山在去後心期浙水知白髮  
門生憐未死青衫留得裏遺尸最爲世所指名著有易行中庸大  
學說及文集若干卷

莫 趙 州 像





公姓莫諱子文字仲武吳江人少敏悟通經史寶慶二年舉進士  
出知嘉興縣會王疇奉使括田法甚苛細公不從疇譖之田使劾  
其拒命降宣義郎後五年始復官遷道州通判累官朝散大夫知  
廣德軍兼內勸農營田事賜緋魚袋卒年七十五



天降正氣



